

大然不能饑渴

師古曰能音耐

失一狼走千羊廼者貳師敗軍

士死略離散

師古曰言死及被虜略并自離散也

悲痛常在朕心今請遠

田輪臺欲起亭隧

師古曰隧者依深險之處開通行道也

是擾勞天下非

所以優民也今朕不忍聞大鴻臚等又議欲募囚徒送

匈奴使者明封侯之賞以報忿五伯所弗能為也

師古曰伯

讀曰霸五霸尚耻不為況今大漢也

且匈奴得漢降者常提掖搜索問以

所聞

師古曰搜索者恐其或私齎文書也

今邊塞未正闌出不禁障候長

吏使卒獵獸以皮肉為利卒苦而燹火乏失亦上集不

得

師古曰言邊塞有闌出逃亡之人而主者不禁又長吏利於皮肉多使障候之卒獵獸故今燹火有乏又

其人勞苦因致奔亡凡有後降者來若捕生口虜廼知此失皆不集於所上文書